









OSNOVAC



$$1+1=2$$






U V O D N I K

Dragi naši učenici i roditelji, evo stigli smo i do drugog broja vašeg i našeg lista "OSNOVAC" koji se štampa u povodu 40-godišnjice rada naše JU OŠ "Bukinje". Kao što vam je, vjerovatno, poznato ova škola je počela sa radom (u novoj zgradi) 1960. godine. Do tada se nastava izvodila u barakama kod AMD-a. U proteklih četrdeset godina postojanja škole, nastavu su pohađale brojne generacije učenika, a izvodili mnogi prosvjetni radnici.



Pamti se mnogo lijepih i svijetlih trenutaka, ali i onih manje lijepih, tužnih i ružnih, kakav je slučaj bio za vrijeme ratnih sukoba, eksplozija



u objektu, srebrenički prognanici...

Ova je škola danas jedna od najljepših, najčistijih i najorganizovanijih na području općine Tuzla, zašto je dobila i brojna priznanja. O radu, organizaciji i izgledu škole sud ostavljam onima koji o tome mogu sami govoriti, Vama dragi roditelji naših učenika, čelnicima kantonalnog Ministarstva obrazovanja, nauke kulture i sporta, a ja kao direktor želim da se iskoristim ovom prilikom da svima vama uputim čestitke u povodu 40-ogodišnjice škole, sa željom da ova škola i dalje ostane mjesto i simbol svega onoga što je lijepo u ovim našim prostorima.

Direktor, Rešad Merdić



TRI RADA PREDLOŽENA ZA NASLOVNU STRANICU, KOJE JE URADILA MONIKA MARČETA, A ZA NASLOVNU JE STRANU IZABRAN RAD ŠIMIĆ ANITE IZ VIII a (NA VRHU)

OSNOVAC

List odobren od strane Ministarstva obrazovanja, nauke, kulture i sporta Tuzlanskog kantona, maj / svibanj 2000. godine.

IZDAVAČ: JU OŠ "BUKINJE", Bukinje, ul. Vojka Milovanovića br. 46, Šićki Brod, tel./fax: 815-414

ZA IZDAVAČA: Rešad Merdić, direktor

GL. I ODG. UREDNIK: Marica Begović

REDAKCIJA: Vesna Zekanović, Elvira Šišić, Marjana Stevanović, Mujaga Čorhodžić, ef. Čokić Šekib, fra. Ilija Oršolić i Novinarska sekcija

DIZAJN, PRIPREMA I ŠTAMPA: NIK "GRAFIT" Lukavac, tel./fax 075 567-521




JASENKO RADOVIĆ



ONI SU



NAJBOLJI



JASMIN KALESIĆ

TAKMIČENJE IZ MATEMATIKE

Kao i svake godine i ove je održano takmičenje znanja iz matematike za učenike osnovnih škola od petog do osmog razreda. Takmičenje je održano 1. aprila 2000. u OŠ "Pazar" gdje su se okupile ekipe iz cijelog kantona, sa oko 250 učenika. Iz svake škole bilo je po 12 učenika. Ekipu naše škole predstavljali su:

V razred: Jasenko Radović, Sabina Palavrić i Aldina Mandžić.

VI razred: Martina Jokić, Meliha Suljić i Mirzet Prosićanović

VII razred: Lejla Brkić, Aldina Džinić i Dijana Dervišević

VIII razred: Diana Delić, Tanja Josić i Muamer Bećirović

Naše matematičare vodili su nastavnici Emilija Kurtović i Stjepan Tomić. Na ovom takmičenju najbolji uspjeh postigao je Jasenko Radović iz Va koji se plasirao na kantonalno takmičenje. Do momenta završavanja našeg lista nismo uspjeli saznati njegov plasman na kantonalnom takmičenju. U svakom slučaju mnogo čestitki Jasenku i nastavnicima Emiliji.

JOKIĆ MARTINA (Novinarska sekcija)

TAKMIČENJE IZ FIZIKE

April i maj mjesec su svake godine rezervisani za takmičenja. Tako je bilo i sa predmetom fizika koje je održano 15. aprila u OŠ "Miladije" u Tuzli. Ekipu naše škole pripremala je nastavnica Indira Husića sačinjavali su je: Muamer Bećirević, Anja Tadić, Iskra Isaković, Lejla Brkić, Almedina Džanić i Edin Sinanović. Najbolji rezultat postigao je Muamer Bećirević koji je osvojio 11. mjesto. Čestitamo!

ISKOVIĆ ISKRA (Novinarska sekcija)



OŠ "BUKINJE" NA TRCI MIRA "VIVICITA"

U Tuzli je 9. aprila 2000. održana međunarodna trka "VIVICITA 2000" Učešće je, kao i svake godine, uzela i naša škola. Ekipu od 22 učenika pripremao je nastavnik Vernes Čejvanović. Staza od Brčanske Malte do zgrade općine Tuzla bila je podijeljena na tri kategorije: dužine 2, 4 i 12 kilometara. Rezultati nisu bili zadovoljavajući, ali je važno napomenuti da su svi naši takmičari stigli na cilj među prvih 100 učenika.

ADISA AJANOVIĆ (Novinarska sekcija)

BIOLOGIJA I HEMIJA

Dvadeset i drugi april 2000. godine bio je rezervisan i za takmičenje iz hemije i biologije. Domaćin je bila OŠ "Mramor". Takmičarsku ekipu naše škole Željku Divković, predvodili su nastavnici Suada Suljić i Emir Žigić. Naši hemičari su osvojili sjajno 7. mjesto. Čestitamo!

(Novinarska sekcija)

SA SMOTRE TEHNIČKOG STVARALAŠTVA

Na 32. smotri tehničkog stvaralaštva općine Tuzla, održanoj 22. aprila 2000. godine u Gornjoj Tuzli, predstavnik ekipe škole "Bukinje" Jasmin Kalesić iz Villa je osvojio prvo mjesto.

Jasmin je od 19 disciplina zastupljenih na ovom takmičenju, boje naše škole branio iz oblasti informatike i računarske tehnike. Osvojivši prvo mjesto postao je jedan od četiri predstavnika općine Tuzla na kantonalnom takmičenju koje je planirano za 13. i 14. maj 2000. godine. Na testu znanja je od maksimalnih 100 bodova osvojio najviše od svih takmičara, ukupno 89, dok je u praktičnom radu - zadatku na računaru - od maksimalnih 200. osvojio 150 bodova.

Ovakav rezultat Jasmin je postigao svojim radom i znanjem, pripremom koju mu je pružila nastavnica Olgica Bešić, a možda i zato što mu je baš taj dan bio i rođendan. Želimo im puno sreće na kantonalnom takmičenju!!!

nastavnik ELVIRA ŠIŠIĆ

"PROJEKT GRAĐANIN"

U saradnji sa federalnim Ministarstvom obrazovanja, nauke, kulture i sporta 1. aprila 2000. godine u OŠ Mejdani u Tuzli održano je općinsko takmičenje u prezentiranju "Projekt građanin". Našu šesnaestočlanu ekipu škole pripremao je nastavnik Emir Žigić, a njihov zadatak bio je prezentacija portfolija na temu "Zagađenje i zaštita okoline". Postigli su skromni, ali zadovoljavajući rezultat, osvojivši 10. mjesto.

ANJA TADIĆ (Novinarska sekcija)

U SUSRET DANU ŠKOLE

Naša škola, kao što smo već i spomenuli, proslavlja 40-ogodišnjicu postojanja. Generacije u posljednjih osam godina znaju gosp. Rešada Merdića kao čovjeka koji se nalazi na čelu kolektiva naše škole, ali generacije Vaših roditelja, dragi naši učenici, pamte sve one ljude koji su bili direktori ili pak pomoćnici direktora naše škole mnogo godina prije. Evo prilike koju ćemo iskoristiti za podsjećanje na sve te divne ljude.

DIREKTORI:

1. Bogdan Đermanov
2. Muhamed Gegić
3. Dragan Ivanković
4. Nikola Isailović
5. Vajko Ošap
6. Radoš Jokanović

POMOĆNICI DIREKTORA:

1. Mugdin Čardžić
2. Milorad Raičević
3. Asim Fetahagić
4. Zdravko Jakara

BILI SU UČENICI OVE ŠKOLE, SADA RADE U NJOJ



DIREKTOR REŠAD MERDIĆ

Brojne generacije učenika su prošle kroz OŠ "Bukinje. Mnogi od njih se sa nostalgijom i ljubavlju sjete tih đачkih dana i nastavnika koji su ih učili. Mnogi danas dođu da obiđu školu, da se pozdrave sa svojim bivšim nastavnicima, ali da se dosta njih vrati da radi u njoj, ipak je rijetkost. U našoj školi nije tako.

Mnogo bivših osnovaca naše škole su danas vrijedni radnici te iste škole. Ko će je voljeti više od njih! Neki od njih su bili u prvim borbenim redovima za vrijeme minulog rata. Drugi su radili cijeli ratni period u školi ili punktovima, na kojima se radilo u to vrijeme kakav je slučaj, među ostalim, sa direktorom Rešadom Merdićem koji je cijeli svoj 50-ogodišnji život proveo na terenu šićkog Broda i Bukinja.

Rođen je 1952. godine u Š. Brodu, završio osnovnu školu, a nakon završene Učiteljske škole i Pedagoške akademije u Tuzli 1973. godine dolazi u OŠ "Mijo Kerošević Guja" u kojoj ostaje do danas, punih 28 godina-dvadeset u nastavi i osam godina kao direktor. O njegovom radu kao nastavniku svjedoče brojne generacije i nagrade u školi i ljetopisu, a o radu direktora dovoljno je samo reći ime škole ili doći u školu pa će vam sve biti jasno. Lijepa mlade osobe, nekadašnje odlične učenice, sada vrijedne i tihe su učiteljica, Emina Pašćanović, sekretar, Alma Đulović, nastavnik, Olgica Bešić, kuharica Edisa Alić, tehničko osoblje Muhiba Bećirović i Nevresa Delić. Možda su željele nešto drugo postići u životu, ali su se vratile da rade, različite poslove u svojoj nekadašnjoj školi, ali svaka isto marljiva i požrtvovana. Svoje požrtvovanje i nesebičnost u proteklom ratu su na najbolji nači dokazali naši hrabri demobilisani borci, nastavnici Vernes Čejvanović i vrijedni domar Alija Mutapčić. Ima ih još, ali o ostalima možemo pisati i drugi put. Zajedničko im je da svi vole ovu školu i da zalažu za nju.

NAJBOLJI U 1999/2000

Jubilej koji obilježavamo ove godine predstavlja idelanu priliku za podsjećanje na ljude koji su ugradili dio sebe u našu školu, ali i prilika da spomenemo one učenike koji su u ovoj jubilarnoj godini postigli najbolje rezultate u učenju i radu u vannastavnim aktivnostima:

Ia Edin Mehmedović, Ib Anđelo Božić,

Ila Dario Žegar, Ilb Ivona Josipović,

IIla Amela Đogić i Marijana Div-

ković, IIIb Dedić Eldar, IIIc Armin Dervišević,

IVa Benjamin Barčić, IVb Tatjana Stojaković, IVc Irma Suljić,

Va Jasenko Radović, Vb Ivana Tomić,

Vla Meliha Suljić, VIb Monika Marčeta, VIc Ivana Šimić

VIIa Lejla Brkić, VIIb Almedina Džinić,

VIIIa Iskra Isaković, VIIIb Muamer Bećirović i Anja Tadić VIIIc



ANJA TADIĆ

ANJA TADIĆ učenica VIIIc razreda je odlukom Nastavničkog vijeća, a na osnovu Pravilnika o vrednovanju i ocjenjivanju JU OŠ "Bukinje" u jakoj konkurenciji, proglašena najboljim učenikom generacije 1999/2000. godine. Njene zasluge u učenju i vladanja, kao i zalaganju u vannastavnim aktivnostima dale su joj epitet najbolja. Ovo priznanje nije jednostavno osvojiti, a Anja je dokazala da ga zaslužuje. To je jedna pametna, vrijedna i skromna djevojčica koja će, nadamo se, povjerenje svojih nastavnika opravdati i u budućem školovanju. Mi smo ponosni što smo dali dio sebe u izgradnji Anjine ličnosti. Pored Anje Tadić u konkurenciji za učenika generacije bili su Iskra Isaković VIIIa i Muamer Bećirović VIIIb.

U SUSRET DANU ŠKOLE

NEKADAŠNJI RADNICI ŠKOLE "BUKINJE" - DANAS PENZIONERI

DRAGA TETA DRAGICA



U našoj školi radilo je mnogo vrijednih ljudi. Neki od njih su otišli u zasluženu penziju. Jedna od njih je teta Dragica Subotić. Radila je u našoj školi kao tehničko osoblje.

OSNOVAC: Teta Dragice kažite našim čitaocima nešto o sebi.

TETA DRAGICA: Ja sam Dragica Subotić i danas imam 74 godine. Pamćenje me za moje godine dobro služi. U Šićki Brod sam se doselila davne 1954. godine gdje živim do danas.

OSNOVAC: Kada ste počeli raditi u našoj školi, a kada ste otišli u penziju?

TETA DRAGICA: Počela sam raditi u avgustu 1955. godine. Tada je ova škola nosila naziv "Mijo Kerošević Guja". Radila sam sve do 1986. godine, kada sam otišla u penziju, dakle nakon 31 godinu radnog staža i sa 60 godina starosti. Sjećam se da sam iz podruma škole prenijela na hiljade kanti sa ugljem, ali isto tako moram napomenuti da su mi moje kolege nastavnici, pa i učenici pružali pomoć i pažnju.

OSNOVAC: Kakve utiske nosite iz naše škole?

TETA DRAGICA: Na to ću vam pitanje odgovoriti jednostavno. Ako kažem da bih se sada ponovo vratila u ovu školu, sve će vam biti jasno. Puno me lijepih sjećanja veže za ovu školu i nosiću ih u svom srcu do kraja života. Voljela sam cvijeće i mnogo sam ga posadila. Nadam se da je barem jedan od cvjetova koje sam zasadila "još u životu" ili barem njegov pelcer.

OSNOVAC: Šta teta Dragice poručiti našim osnovcima?

TETA DRAGICA: Poručila bih da se volite, svi zajedno, da ne pravite razlike među sobom, da jedni drugima pomazete koliko možete.

MONIKA MARČETA,
NOVINARSKA SEKCIJA

UČITELJ BORISLAV



Borislav Pejkanović je rođen 1930. godine u Vukosavcima, općina Lopare, gdje je proveo djetinjstvo i ratne godine (2. SVJETSKI RAT). Te su godine bile teške za preživljavanje, ali se nekako preživjelo. Po prestanku rata iz sela prelazi u Tuzlu gdje završava četiri razreda osnovne, dok je Malu maturu u nižoj Gimnaziji završio u Bijeljini. Sa završenom Malom maturom, kako se zvala u to vrijeme, čika Borislav se vraća u Tuzlu gdje završava Učiteljsku školu 1950. godine, nakon čega se zapošljava u Koraju, općina Lopare. Od 1954. godine radio je u Dobrnji općina Tuzla odakle 1955. dolazi u Bukinje gdje je radio do penzije, dakle do 1990. godine.

Čika Boro svoj prvi susret sa školom i tadašnjim direktorom Muhamedom Gegićem doživljava srdačnim i prijateljskim, a direktora opisuje kao divnog čovjeka, čovjeka prije svega. Direktora Gegića ubrzo zamjenjuje Dragan Ivanković. U to se vrijeme, sjeća se čika Boro, radilo u barakama gdje se upisivalo po šest odjeljenja. Već u to vrijeme krenula je izgradnja novog objekta koji je trebao zadovoljiti narasle potrebe. Pored aktivnosti na izgradnji novog objekta, gradnje čitaonice zajedno sa tadašnjim aktivistima sa ovog područja Izetom Brkićem, Ramom Smajićem, Hamzom Merdićem, To-

mom Josićem, čika Boro je bio aktivan u akciji opismenjanja stanovništva, ali i rudara. Tada je bio jako veliki broj nepismenih. Radnici škole su i tada bili ocjenjivani i vrednovani, ali se sjeća da nikada u svojoj praksi nije dobio nižu ocjenu od "dobar". Najčešće je to bilo "ističe se", dok je jednom bio ocjenjen sa "naročito se ističe" kada je dobio nagradu od strane Općine Tuzla.

Pored nastave radio je i na drugim poslovima. Bio je prvi predsjednik Radničkog savjeta škole, a više puta član. Zatim je u više navrata bio predsjednik Sindikalne organizacije, sekretar organizacije Saveza komunista. U pamćenju mu je ostala 1975. godina kada škola dobija novi, mladi kadar, nastavnike Hilmu Bučuka, Smaila Kočića, Seada Habula, Rešada Merdića, koji ubrzo preuzimaju obaveze i poslove svojih prethodnika. To je čika Boro doživio kao pomoć starim kolegama i svojevrsnu zamjenu. Kao učitelj je radio 26 godina, a ostalih 14 kao bibliotekar, dakle ukupno 40 godina radnog staža. Ne treba zaboraviti podatak da je upravo čika Boro formirao i ustrojio našu današnju školsku biblioteku. Učitelj Borislav se zahvalio kolegama naše škole na lijepom gestu pažnje i poželio nam još mnogo godina uspješnog rada.



ČEHAJIĆ
MELISA,
Vila



U SUSRET DANU ŠKOLE

DAN NAŠE ŠKOLE

Škola nam je drugi dom. U njoj provodimo većinu svog vremena. Ona nam pruža znanje i vodi nas kroz život.

Svaka škola ima svoj dan. Taj dan je dan njenog postanka, stvaranja. Prvi dan njenog života. Taj dan, svi smo sretni, tu beskraju sreću dijeli s nama. Znači, to je onaj naš popularni "sportski dan" - dan igre, smijeha i sreće.

Dan naše škole je 9. maja Zar ne primjetite kako taj dan naša škola zrači suncem i ljepotom, smijehom. Malo je onih koji to vide.

Škola je kao naša druga majka. Ona se brine za nas. Ona nas priprema za ono što je, tako reći, u nekom vanjskom svijetu. Dan škole je njen rođendan. Iako tu nema torte, po-

klona, kolača... naša škola zamišlja svoju želju. Da pogodimo koja je to. Da budemo sretni cijelog života.

I ove godine naša škola obilježice svoj dan. Mi ćemo biti tu, kao i uvijek. Neki da potvrde svoju ljubav, a neki da se oprostite od nje.

Škola nas priprema za sukob sa životom i sudbinom. Jedni će otići, drugi će doći. Škola će ostati tu, sa svojim danima i svojom beskrajnom starošću.

ANITA MARKOVIĆ VIIIc
(NOVINARSKA SEKCIJA)



ROĐENDAN MOJE ŠKOLE

Danas je rođendan moje škole nije bitno koji,

Moja škola je uvijek mlada, jer svake godine prima na hiljadu novih prvaka.

Da poklonim cvijeće školi, ne mogu

Da darujem veliku tortu za rođendan školi, ne mogu

Ali mogu da joj ljubav darujem iz sveg srca i pun dnevnik petica.

MAJDA SINANOVIĆ IVa

MOJA ŠKOLA

Ja volim svoju školu

Ona je uredna i lijepa

Okićena je cvijećem i proljećem

Ona je kao princeza.

MERIMA BEĆIROVIĆ Ia

DAN ŠKOLE

Ispisujem praznicima mjesec maj dolazi i naše škole dan.

Jubilarni rođendan našoj je školi, i svako njeno dijete mnogo je voli.

Kao sastajalište mladih

i kao gnijezdu ljubavi

od sveg srca velim

da ti školo sve najbolje želim!

LEJLA BEKTIĆ VIIIb

MOJA ŠKOLA

U mojoj školi puno je đaka od prvaka do osmaka.

Znanja stiču, uče, rade

da nam Bosnu našu grade.

Svako đake veselo je

i na odmor izašlo je

tu caruje dječja graja

toj ljepoti. nema kraja

ELDAR SOFTIĆ IIb

DAN ŠKOLE

Na dan škole lijepo se obuci

Na svoje lice osmijeh navuci

Od kuće veseo pođi

Pred školu razdragan dođi.

Da škola vidi sve sretno đake

Da prozori od smijeha veselo zvone

Da hodnicima pjesme se ore

To poklon školi biće najveći

Od dječije sreće

Ne postoje pokloni veći.

SULJIĆ AMARELA IIa

MOJA ŠKOLA

Ko kraljica lijepa

ljepotica iz snova

Na brežuljku ponosna

stoji moja škola.

Ko sunčeva zraka

poslije kiše ljetnje

vodi nas kroz život

i čini nas sretno.

HODŽIĆ LEJLA IIa

Naša škola je uvijek imala svoje najbolje učenike, ali je uvijek njegovala uspomene na njih, čak i onda kada kao maturanti zatvore vrata osnovnoškolskom obrazovanju. Ovoga puta se podsjećamo na Renatu Jakara koja je učenik naše škole bila u generaciji 1985/86. godine. Renata se sa zadovoljstvom odazvala našem pozivu za učešće u kreiranju Osnovca:

"DRAGI MOJI NASTAVNICI,

Mnogo Vam zahvaljujem na prilici da i ja sudjelujem u Vašem listu "Osnovac". Za mene je velika čast da dam svoj mali doprinos Vašem listu. Hvala Vam na podršci svih ovih godina. Nadam se da će naredne biti mnogo sretnije i vesellje.

Srdačno Vas pozdravljam i želim još mnogo uspjeha.

S poštovanjem,


Renata Jakara

OSNOVAC: Renata kažite našim čitaocima nešto o sebi.

RENATA: Rođena sam 26. maja 1972. godine u Tuzli. Osnovnoškolsko obrazovanje stekla sam u školi "Bukinje" (nekada "Mijo Kerošević Guja), a srednješkolsko u Gimnaziji "Meša Selimović" u Tuzli. Diplomom Ekonomskog fakulteta, odsjek vanjske trgovine, stekla sam na Sveučilištu u Zagrebu. Prve radne dane diplomiranog ekonomiste odradujem u firmi koja se bavila uvozom i distribucijom dječijih igraćaka (Barbi lutkice, Legó kockice...) i dječije opreme na hrvatskom i BH tržištu. Poslovne napore Renata Jakara uspješno prevladavam unoseći dječiju maštu u svijet odraslih.

OSNOVAC: Što možete reći o danima provedenim u školi "Bukinje"?

RENATA: Uvijek se rado sjetim dana u osnovnoj školi, prvog susreta sa učiteljicom, prvih petica, ali i zadnje dvojke iz matematike, zatim svih nastavnika i nastavnica, mojih drugara, prvih priredbi, uspjeha na takmičenjima na kojima sam dobijala svoje prve nagrade. To su bili bezbrižni i veseli dani, tako da bih mogla napisati i vlastitu knjigu "Magareće godine". Čak i danas



RENATA JAKARA, generacija školska 1985/86.

SVJETSKI PUTNIK

pamtim pojedine lekcije, što mi je mnogo pomoglo u mom daljem školovanju u gimnaziji, gdje je bilo mnogo obaveza, a malo vremena. Mnogo cijenim svoje nastavnike koji su nesebično prenosili svoje znanje na nas, koji su se energično trudili da ga usvojimo, izaberemo pravi put i formiramo vlastitu ličnost. Smatram da prosvjetni radnici imaju najodgovorniji zadatak, jer moraju biti i nastavnici i pedagozi i prijatelji, a ponekad i drugi roditelji. Uz sve to moraju posjedovati ličnost sa sjajnim karakterom, a da ih se zato uopće ne cijeni. Zbog svega ću se iskoristiti ovom prilikom da svoj djeci poručim - *Nagradite svoje nastavnike znanjem, pružite im vesele školske trenutke, jer oni vjeruju u Vas i nikada Vas neće*

iznevjeriti.

OSNOVAC: Renata što trenutno radite?

RENATA: Trenutno radim kao menadžer prodaje putničkim brodovima. Posao je jako zanimljiv. Proputovala sam oko 50 država svijeta, upoznala mnoge zanimljive ljude, usavršila znanje iz engleskog, njemačkog i ruskog jezika. U slobodno vrijeme lagano napredujem u učenju španskog i italijanskog jezika. Mnogo šetam i bavim se fotografisanjem, uživam u plivanju i plesanju. Naravno nastojim vidjeti i upoznati raznolikosti država koje obilazim i kao što možete zaključiti, svaki dan naučim nešto novo iako ne idem u školu. Želim Vam citirati Seneku koji je rekao: "Moja je domovina cijeli ovaj svijet i vjerujte da je to divan osjećaj"

Moram naglasiti da je moj veliki uspjeh bio završetak studija. Čak i tada sam stekla neprocjenjivo životno iskustvo i shvatila koliko znanje može pomoći u rješavanju važnih životnih problema. Za vrijeme studiranja sam radila i borila se vlastitim sposobnostima, a za sve to vrijeme pratila me briga za moje roditelje i rodbinu u Tuzli. Ipak, nisam posustala i danas mi kažu da je moja nevolja prilika za vrlinu. Nakon svih tih nevolja uslijedila je nagrada - putovanje stazama starih Majja u Meksiku i Gvatemali, što je do tada za mene bilo samo neostvareni san. Upoznala sam svijet starih civilizacija

Grčke i Rima, posjetila karneval u Rimu, a boravak u Amazoniji i poznanstvo sa njihovim stanovnicima bio je nezaboravan, mislim moja do sada najveća avantura.

OSNOVAC: Renata bilo je zaista zadovoljstvo voditi ovaj razgovor sa Vama. Prije nego što Vam se zahvalimo na ustupljenom vremenu zamoliću Vas za jednu poruku za sve naše čitaoce

RENATA: Što reći na kraju nego jednu staru kinesku poslovicu koja kaže: **USAVRŠAVAJTE:** istinu, znanje i strpljivost **VLADAJTE:** karakterom, jezikom i strastima **CIJENITE:** srdačnost, dobrotu i humor **BRANITE:** čast, domovinu i pravdu **NASLIJEDITE:** rad, ustrajnost i vrijednost


BLAGDANI I PRAZNICI

KURBAN BAJRAM

16.3.2000. godine (10. ZUL-HIDŽDŽE 1420.H.G.) je Kurban bajram, drugi od dva velika islamska praznika. Označava vrijeme porodične, rodbinske i komšijske radosti, vrijeme kada siromašni, ne samo Muslimani, trebaju osjetiti ljubav, pažnju i brigu svog bližnjeg. Propis klanja kurbana seže daleko u prošlost, a vezana je za oca čovječanstva Ibrahima A.S i njegovog sina Ismaila A.S. On potvrđuje istinsku ljubav i vjeru u jednog čovjeka, prema Gospodaru svega stvorenog. Ipak, posebna poruka Kurban bajrama za sve ljude na zemlji bila bi uređenje porodičnog života prema pravilu odnosa između Ibrahima i Ismaila A.S., što znači, roditelj primjer djeci u dobru, a djeca pokazuju bezrezervnu poslušnost i poštovanje prema roditeljima. Nadalje, svi oko nas su naša briga i tek kada budemo željeli drugome ono što želimo sebi, možemo se nadati, uz Božiju pomoć, dobru i sreću na ovom svijetu.

ŠEKIB ef. ČOKIĆ

ZEKIĆ SABAHUDIN, VIII B



USKRS

Nijedan se drugi dan ne može mjeriti sa ovim danom. U njemu slavimo čudesan događaj Isusova uskrsnuća i to je najsvečanije slavlje za čovjeka vjernika. To je, zapravo, dan i blagdan blagdana. Toga dana je pobjeđena smrt, pobjedio ju je Isus Krist, pravi Bog, pravi čovjek. Ona nam je donosi toga dana svjetlo svoga uskrsnuća i želi da to svjetlo trajno gori i boravi u nama, njegovim učenicima.

Uskrсни poklik Aleluja, veli jedan pisac, nisu pronašla sitna i sretna usta koja bi dovikivala drugim ustima, niti sit i sretan naraštaj, koji bi doviknuo drugom naraštaju. Ta nam je riječ došla iz ljudskog srca, koji se raduje Kristovom uskrsnuću.

fra ILIJA ORŠOLIĆ

VASKRS

Vaskrs je stari praznik; praznuje se još od vremena apostola, ali ne svuda u isti dan: negdje je pobjeđivan zajedno sa jevrejskom Pashom, negdje 14. dana mjeseca jevrejskog Nisana, a negdje u nedjelju poslije jevrejske Pashe. Uskrs je najsvečaniji praznik u godini - praznik nad praznicima. Na taj se dan skidaju dveri u crkvi na oltaru, čime se želi pokazati da je Isus vaskrsenjem svojim pobijedio smrt i otvorio rajska vrata. Cijela nedjelja po uskrsu naziva se Svijetla nedjelja, a crkvene pjesme koje se tada pjevaju, pune su radosti i veselja. Umjesto uobičajnog pozdrava, narod se na Uskrs pozdravlja sa: "Hristos voskrse!" i "Voistinu voskrse!" "Obilježavanju Vaskrsa prethodi post od 40 dana po uzoru na Isusa koji je 40 dana postio na Gori iskušenja, ali u vrijeme velikog posta nije dozvoljeno nikakvo veselje.


REDAKCIJA

HADŽDŽ


Mjesec mart ili mjesec Zul-hidždže je značajan po još jednom veoma važnom događaju. Muslimani iz cijelog svijeta, koji su imućni, hodočaste Kabu. To je jedan od temelja vjere, što je bitno napomenuti, jer ćemo vidjeti što vjera može učiniti za čovjeka koji ispravno vjeruje. Niti jedan pjevač, političar ili bilo koja druga ličnost ne uspije u jedno vrijeme i na jednom mjestu okupiti toliko ljudi, različite boje, rase, nacije i jezika. Ove godine Kabu (Bejtullah - Allahova kuća) je hodočastilo 2,3 miliona ljudi. Svi su oni došli radi Boga, da bi obavili V islamski šart, da bi se upoznali i zblížili sa ljudima iz cijelog svijeta. Iz BiH na Hadždž je, u organizaciji Rijaseta islamske zajednice, otputovalo 1200 hadžija.

ŠEKIB ef. ČOKIĆ

SREČKO BANOVIĆ, VIII B



DANAS SU VRSNI SPORTAŠI



ROMEO MITROVIĆ je rođen 12.7.1979. godine u Tuzli. Nakon završene osnovne škole "Bukinje" i srednje trgovinske otišao se u vode fudbala. O vremenu provedenom u školi "Bukinje" kaže:

"Za taj period vežu me lijepe uspomene, na moje djetinjstvo, odrastanje, na moje plemenite učitelje i nastavnike, a posebno lijepe na moje drugare iz generacije. Fudbal sam zavolio u osmoj godini kada i počinjem sa učenjem prvih fudbalskih koraka. Već sa 11 godina postajem igrač-pionir (pjetlić) ekipe "Rudar" iz Bukinja. Protivnik na prvoj utakmici bila je ekipa iz Mramora.

Najveću zahvalnost za razvoj mog fudbalskog talenta dugujem ocu koji je i sam bio dugogodišnji fudbalski veterana, ali i poznatom fudbalskom treneru Žarku Samaradžiću. Moj talenat nije mogao proći neprimijećen, pa sam već sa 15 godina dobio poziv za prelazak u FK "Sloboda". Tek sa 17 godina startam kao seniorski igrač Slobode gdje me zapaža selektor Fudbalske reprezentacije BiH. Nakon toga postajem prvo golman Omladinske reprezentacije BiH, a danas sam prvi golman mlade Reprezentacije BiH što mi, moram priznati, čini veliku čast. Takođe želim da izrazim svu zahvalnost mojim dragim nastavnicima i direktoru što su mi uputili poziv da na ovaj način dam svoj doprinos za naš OSNOVAC, te da dodam kako sam zaista ponosan što sam bio učenik ove škole.

Hvala Vam! "

MATO NIKIĆ je OŠ "Bukinje" završio u generaciji 1997/98. godina. Danas je srednjoškolar Elektrotehničke škole.

U OŠ "Bukinje" dolazim iz SR Njemačke, sa 15 godina, gdje završavam osmi razred. Direktor i moji dragi nastavnici su me prihvatili kao da sam sve vrijeme bio njihov učenik. Brzo sam se uklopio u školske obaveze, sredinu i zblžio sa novim drugarima. Već po dolasku iz inostranstva pristupam u FK "Rudar" gdje nastavljam bavljenjem fudbalom. U Rudaru ostajem jednu polusezonu.

Svjestan svog talenta odlučujem da pređem u nešto afirmativniji klub, pa sam se za početak odlučio za OFK "Tuzla". Ova odluka se pokazala ispravnom, jer su me već nakon izvjesnog vremena pozvali u reprezentaciju OFK "Tuzla" i Kadetsku reprezentaciju BiH, gdje sam kapiten. Zahvaljujući fudbalu često putujem. Utakmice u BiH igramo u Jablanici, Mostaru, Sarajevu, ali smo išli i u inostranstvo. Tako smo putovali u Luksemburg gdje smo imali priliku da igramo sa fudbalskim protivnicima iz SR Njemačke, Italije, Moldavije, Luksemburga itd.

Moram naglasiti da sam za svoj uspjeh, prije svega zahvalan svojim roditeljima. Želja mi je da zaigram u bilo kojem većem klubu u BiH, a naravno i za Reprezentaciju BiH. Da moja požrtvovanost, odnos prema kolegama i naporni treninzi, imaju odjeka u javnosti pokazuje i priznanje koje sam nedavno dobio, a riječ je o priznanju koje mi je dodjeljeno na manifestaciji "Izbor sportiste Tuzlanskog kantona za 1999. godinu". Vjerujem da ću i u buduću znati opravdati povjerenje koje mi se ukazuje u BiH.



OSNOVAC - 9

SAMIR KUDUZOVIĆ rođen je 27. aprila 1974. godine u Tuzli. Osnovnu školu je završio u Bukinju, a srednju u MSŠ u Tuzli. O osnovnoškolskom obrazovanju nam je rekao:

"Rado se sjećam svoje prve učiteljice kojoj sam bio miljenik i koja je uložila mnogo truda i znanja kako bi mi pomogla u učenju i odgoju. Nisam zaboravio ni sav uloženi trud mojih nastavnika koji su me učili i koji su mi, ne štedeći snagu, omogućili da završim osnovnu školu. Sjećam se da sam u osmom razredu pao na popravni ispit i tada je pomoć mojih nastavnika, naročito sadašnjeg direktora Rešada Merdića, došla do punog izražaja. Na tome sam im i danas beskrajno zahvalan.



Još kao šestogodišnjak sam upoznao svoju prvu ljubav. Bio je to fudbal koji mi je danas profesija. Od tada se, praktično, nisam odvajao od lopte. Svoj talenat sam prvo ispoljio kao igrač pionirske ekipe FK "Rudar" Bukinje" gdje sam proveo 11 godina, a zatim sam postao i učesnik Ekipnog prvenstva pionira bivše Jugoslavije kao fudbaler tuzlanske Slobode. Sa 13 godina postajem član pionirske reprezentacije BiH. Posjedovao sam talenat, ali moram naglasiti da svu zahvalnost za svoju kvalitetnu igru dugujem prvom treneru pionira, rahmetli Eši Smajiću.

Profesionalno se fudbalom počinjem baviti 1992. godine u FK "Sloboda" u čijem sam klubu i danas. Zahvaljujući sportu pružila mi se prilika da proputujem mnoge gradove bivše Jugoslavije, gradove moje BiH, ali i poneke u inostranstvu".



DOKAZANI



DRAGANA IVELJIĆ

DRAGANA IVELJIĆ je učenica VIIb razreda, a već osam godina marljivo trenira stolni tenis. Matični klub naše Dragane je "Kreka Jedinstvo Rudhem" Tuzla.

Osam vrijednih godina rezultiralo je brojnim sportskim priznanjima. Samo neka od njih su: treće mjesto za najuspješniju kadetkinju Tuzlanskog kantona u 1999. godini, prvo mjesto Turnira "Top 12" u kategoriji kadetkinja. Mnogo je diploma i medalja danas na zidu sobe naše Dragane.

Čestitamo i želimo joj još puno uspjeha i u budućnosti!

MONIKA MARČETA,
NOVINARSKA SEKCIJA

ALMA ZAHIROVIĆ je odlična učenica IVa razreda. Pored školskih obaveza Alma je naša vremena za svoju veliku ljubav - plivanje. Članica je Plivačkog saveza BiH. Ni za Almin trud nisu izostala priznanja. U martu mjesecu 2000. Alma osvaja treće mjesto u kategoriji mlađih kadeta. Zadovoljna je do sada postignutim rezultatima, ali se nada još boljim.

Mi joj čestitamo na uspjehu i zajedno se s njom nadamo da će ostvariti svoje želje.

TEŠIĆ SNJEŽANA,
NOVINARSKA SEKCIJA

BANOVIĆ SREĆKO je odličan učenik VIIb razreda. Njegov likovni talenat je, kako sam voli da kaže, vjerovatno, nasljedan, jer u porodici Banović već ima priznatih umjetnika slikara. Slikarski talenat na vrstan način usmjerava nastavnik Mujaga Čorhođić, a likovna kultura je Srećku, pored drugih predmeta, najdraža. Iako se bavi i sportom, većinu svog slobodnog vremena provodi uz blok, olovku i tempere. Naša škola je puna Srećkovih radova. Najdraže mu je slikanje prirode i portreta. Srećkova želja je da završi srednju Umjetničku školu i da jednoga dana postane slavan umjetnik - slikar. Srećko neka ti je sa srećom!

ALMEDINA DŽINIĆ VIIb

MIRNES RUSTEMOVIĆ je učenik VIIb razreda i posjeduje izvanredan talenat za fudbal. Učenik škole "Bukinje" postaje prije dvije godine, nakon dolaska iz SR Njemačke. Već za vrijeme



boravka u Njemačkoj njegov fudbalski talenat dolazi do punog izražaja. Bio je kapiten FK "Nimberg". Ništa ga nije spriječilo da talenat po-

kaže i po povratku u BiH, gdje nastavlja sa treninzima u FK "Rudar" iz Bukinja.

Bio je pionirski reprezentativac BiH. Mirnesov fudbalski idol je Mario Basler i želja mu je da postane vrstan igrač baš kao i Basler. Što mu poželjeti nego da svoje želje ostvari.

MIRELA SOFTIĆ VIIb

MUTAPČIĆ JASMIN pohađa VIIb razred, a pored odličnog uspjeha u školi svoj glumački talenat dokazuje u Narodnom pozorištu Tuzla i




ALMA ZAHIROVIĆ

TALENTI !!!

Kulturnom društvu "Preporod". Glumom se bavi već tri godine, njegova najuspješnija uloga do sada je u pozorišnom komadu "Šest lica, traži pisca". Sa ovom predstavom Jasmin je učestvovao i na festivalu "Sarajevska zima 98". U Kulturnom društvu "Preporod" igrao je u manjim predstavama koje su gledaoci Televizije

Tuzlanskog kantona mogli pogledati na malim ekranima. Jasmin svoj odličan uspjeh u školi i uspješno bavljenje glumom opravdava dobro organiziranim vremenom. Idol mu je glumac Stiven Segal, a želja mu je da jednoga dana postane slavan baš kao Segal. Jasmine, želimo ti i dalje puno uspjeha!

SULJIĆ NEDIM je učenik VIIIa razreda. Pored svog nestašluka Nedim postiže dobre rezultate u Muzičkoj školi u Tuzli. Njegova "igračka" od pete godine je harmonika. Dosada je imao bezbroj nastupa od čega tri takmičarska. Prošle godine je učestvovao na Internacionalnom takmičenju u Italiji. Ovih se dana Nedim priprema za takmičenje u Mostaru gdje mu želimo mnogo uspjeha!



DA SE NE ZABORAVI



Za Sanju i Lejlu...

Bile su u cvijetu mladosti. Radovale se svakom novom danu i okretale stranice života sa mladalačkom radoznalošću. Svaki novi dan, nova stranica i jedna nova životna avantura. Njihov život bio je kao rascvjetala ruža, kao nedovršena pjesma. Bile su sretnе, imale su radost i ljepotu. Znale su da se smiju, vesele, raduju lijepim stranama života, ali nisu znale da će se tako okrutno poigrati s njima.

Tog dana, na Dan mladosti, njihova mladost je bila ugašena. Sve njihove želje i snovi srušeni su kao kula od karata. Pošle su na vječni počinak.

To je trebao biti dan radosti, dan mladosti, a danas se obilježava kao dan žalosti. Zajedno sa Lejlinim i Sanjinim životom ugasio se 71 život, 71 zvijezda. Ugašeni su životi, ali ljepota ne umire, ostaje u našim srcima, našem sjećanju. Nikada ih nećemo zaboraviti i svako od njih će živjeti u našim radostima, našoj mladosti...

Ništa na svijetu nije tako dragocjeno kao život. On se ne može kupiti ili prodati. Može se samo nesebično pokloniti. U tome i jeste njegova ljepota. Neka im je svime rahmet i vječna slava i hvala.



HVALA BOGU

Majka prati goste do izlaznih vrata a dijete trči za njom. Mama mu kaže:

- Kako se kaže sine kada odlaze gosti?
- Hvala Bogu! - dijete odgovara.

ZADNJI

Asime, jesi li napokon zaprosio Nađu?

- Jesam, sinoć.
- Onda vam se može čestitati!
- Još ne, moram malo sačekati jer je rekla da sam zadnji za koga bi se ona udala.

PERICA

Vjeroučitelj provjerava jesu li djeca učinila neko dobro djelo u karizmi.

- Perice, jesi li me poslušao i učinio neko dobro djelo?
- Kako da ne, juče sam posjeti tetku i kaže da je bila veoma srećna kada sam rekao da idem kući!

POBJEDA

- Svaki put kada naveče izlazim opkladim se sa ženom u 20 KM da ću se vratiti do ponoći.
- I ?
- Pustim je da pobijedi.

TEST ZNANJA

(na pitanja odgovarate sa DA ili NE. Tačan odgovor donosi pet poena, a netačan odnosi dva poena)

1 OTRANTSKA VRATA je morski prolaz koji spaja Jadransko i Sredozemno more.

DA

NE

2 Bivši član Bitlisa DŽON LENON ubijen je u Njujorku 1984. godine.

DA

NE

3 U CRNOM MORU nema života na dubini od 200-300 metara.

DA

NE

4 FAUNA je drugi naziv za biljni svijet.

DA

NE

5 KASPIJSKO MORE je naziv za najveće slano jezero na svijetu.

DA

NE

6 EDI IRVING , vozač Frarija je ukupni pobjednik Formule za 1999. godine.

DA

NE

BODOVNI SALDO

00-10 LOŠE

11-14 NIJE LOŠE

15-20 DOBRO

21-27 VRLO DOBRO

28-30 ODLIČNO

RJEŠENJE: 1.NE 2.NE 3.DA 4.NE 5.DA 6.NE



1	2	3	4	5	6	7	8	9	10	11
12					*		13			
					*					
14					*	15		*	16	
					*			*		
17			*	18			*	20		
			*				*			
21		*	22			*	23			
		*				*				
24		25		*	26		27			
				*						
28				29	*	30				*
					*					*
31		*	32		33	*	34		*	35
		*				*			*	
36		37	*	38		39		*	40	
			*					*		
41			42	*	43		*	44		
				*			*			
45				46			47	*	48	
								*		
49										

VODORAVNO

1. Stanje okupacije; 12. Smjer; 13. Ljekovita mast; 14. Pojava na vodi - val; 15. Gufljaj; 16. Lična zamjenica; 17. Ljetovalište kod Opatije; 18. Marka američkog pištolja; 20. Paleologija skr.; 21. Slova iza C i Š; 22. Banjsko lječilište kod Bihaća; 23. Ime rok pjevača Lajonel; 24. Jedna država u Aziji; 26. Demisija; 28. Biljka tratorak; 30. Bivši bosanski ambasador u Hrvatskoj Kasim; 31. Rasplodni bik; 32. Neman, zmaj; 34. Stara mjera za težinu; 36. Starorimski pozdrav; 38. Osamljenost, samoća; 40. Rijeka u Italiji; 41. Rijeka u Hercegovini; 43. Jednogodišnje ždrijebe; 44. Najvjerniji čovjekov prijatelj; 45. Onaj koji vodi poslovne knjige; 48. Rukometni klub skr.; 49. Dio fizike koji se bavi gibanjem plinova.


USPRAVNO

1. Fatamorgana; 2. Provođenje u praksi; 3. Sportska dvorana; 4. Ime glumice Gardner; 5. Obrađeni dio drveta; 6. Slova iza M i B; 7. Prestanak života; 8. Apetit; 9. Ime glumca Pačina; 10. Država u Evropi; 11. Žensko ime Emilijana; 15. Užitek, naslada; 19. Ime režisera Preminger; 20. Rijeka u Sloveniji; 22. Država u Africi; 23. Rankova ime-njakinja; 25. Znak za natrijum; 27. Mjesto spajanja triju država; 29. Teren; 33. Vrhunski sportaši; 35. Robna kuća u Banjaluci; 37. Vladar u Emiratima; 39. Egipatski bog sunca Raa; 40. Perivoj; 42. Muško ime od milja Agan; 46. Oliver Dragojević inicijali; 47. Dio konjske opreme.


UGURALICA

U svaki red uguraj po tri pripadajuća slova, tako da dobiješ zgodnu krizaljku!

P	S	T	A	A
M	R	R	O	A
M	N	T	I	A
A	A	R	B	★
K	O	U	T	★
L	M	U	Š	★
A	E	N	R	A
A	D	K	A	R




Pomozite Mazi da se pridruži prijateljima.



PROLJEĆE

Ja najviše volim proljeće
 U proljeće rastu prvi cvjetovi
 visibabe, kaćuni,
 ljubičice i jagorčevina
 Najviše mi se sviđa cvijet ljubičica
 Išla sam u šumu i brala ih.

ARNELA DŽEMBIĆ Ib



BEGUNIĆ NEDIM, IVc

ŽUBORI RIJEKA

Žubori rijeka kroz selo
 Žubori rijeka kroz šumu
 Žubori rijeka polako
 čuje se daleko.

Žubori rijeka za djecu
 Žubori rijeka za mamu
 Žubori rijeka za nastavnika
 što se stvarno muči
 da đaka nečemu nauči.

Žubori rijeka za radost
 za sreću, najveću.

SABINA PALAVRIĆ Va

UNUK ALEN

U bakinoj škrinji jabuka miriše,
 došao unuk Alen da je zбриše.
 jedan minus, jedan je nula
 u škrinji jabuka bila bi trula.
 Sada sam je pojeo
 i nigdje mi se ne žuri
 a kod bake i mene
 sad su čisti račun.

ALEN JOLDIĆ VIIIc


ZAŠTITA ŽIVOTNE OKOLINE

Priroda je bogastvo
 i izazov života
 mnoge nas je podigla
 i u svom domu ugostila.

Mnogi je cijeniti ne znaju
 te njenu ljepotu uništavaju.
 Apelujem svima da budu
 kao i ja:

Da čiste okolinu
 i u njoj uživju,
 jer živote nam je dala,
 beskrajna ljepota njena.

RENATA DELMANOVIĆ IVa



JOSIĆ RUŽICA, VIc

PROLJEĆE

Kada zima prođe,
 proljeće kuca na vrata.
 Ptice, cvijeće, drveće,
 ponovo se bude.

Mirisna polja i vioko drveće,
 ispunjeno je poljskim cvijećem,
 leptirići lete u zraku,
 a druge životinje uživaju u hladu.

ELVEDINA DŽANIĆ Va



SELIMOVIĆ ENIS, VIIIb



LJUBAV...

Svakoga dana misli me nose,
jednoj djevojci plave kose.
Danas ću biti tih i lijep,
danas ću joj pokloniti cvijet.
Reći ću joj što znala nije,
volim je, zašto da se krije.

DAMIR HASIĆ VIIIa

LJUBAV...

Ljubav je sreća
Ljubav je pjesma
Ljubav je radost
Ljubav je mladost
Ljubav je kada nekoga voliš
Ljubav je čar
Ljubav je sa neba dar.

AZRA DŽINIĆ IVb

LJUBAV

Ljubav je mladost
Ljubav je radost.
Ljubav je sreća
u srcima ona je najveća.
Ljubav čovjek ne može da shvatiti
jer u ljubavi se voli, ali i pati.

LEJLA BRKIĆ VIIa

LJUBAV

Ljubav je jaka.
Ljubav je slatka.
Ljubav imaju mame i tate.
Babe i deke znaju ljubav šta je.
Znaju i đaci kad u školi postanu
prvaci.
Voljeti školu to je ljubav prava
i od nje ne boli glava.

DELJIĆ JASNA IIb



MATEA JOSIĆ, IVb

LJUBAV


Ljubav je jaka, ljubav je slatka.
Ljubav imaju mame i tate.
Bake i deke znaju ljubav što je

Znaju i djeci kad u školi postanu
prvaci

Voljeti školu to je ljubav prava
i od nje te ne boli glava.

JASNA DELJIĆ IIb

MEDINA ČEHAJIĆ, VIb



OSMOVAC - 15

LJUBAV

Ljubav je vatra, ljubav je žar
Ljubav je čar, ljubav je dar
Ljubav je samo stvorena za dvoje
ono dvoje koji se vole.

JELENA GOJKOVIĆ Va

LJUBAV


Ljubav je kao potok
koji stalno teče.
kad se ljudi zaljube
sve snove ostvare.

JELENA DIVKOVIĆ Vb

VOLIM TE

Na zidu naše škole
velikim slovima piše
"Volim te najviše"
Svako od nas se pita
ko to koga najviše voli
od toliko djece u školi.

MIŠANOVIĆ ŽELJKO IIb





SVIM UČENICIMA, RODITELJIMA I RADNICIMA ŠKOLE,
ISLAMŠKE VJEROISPOVIJESTI, ČESTITAM KURBAN BAJRAM SA ŽELJOM DA GA
ŠTO LJEPŠE PROSLAVIJE

SVIM UČENICIMA, RODITELJIMA I RADNICIMA ŠKOLE, KATOLIČKE
VJEROISPOVIJESTI, SRETNAN ČEKRE SA ŽELJOM DA ŠTO LJEPŠE PROSLAVIJE


SVIM UČENICIMA, RODITELJIMA I RADNICIMA ŠKOLE, PRAVOŠLAVNE
VJEROISPOVIJESTI, SRETNAN VASKRS SA ŽELJOM DA GA ŠTO LJEPŠE PROSLAVIJE

SVIM RODITELJIMA I RADNICIMA ŠKOLE ČESTITAM 1. MAJ MEĐUNARODNI
PRAZNIK RADA



SVIM RADNICIMA ŠKOLE, UČENICIMA I RODITELJIMA ČESTITAM 9. MAJ DAN ŠKOLE
UZ POKINKI DA NJAM ŠKOLA BUKINJE BUDE JOŠ LJEPŠA, ČISTIJA, UREDNIJA,
DA BUDE MJESTO PO KOME SE PRERAZNOVAJATI MJESNE ZAJEDNICE
ŠIČKI BROS I BUKINJE.

DIREKTOR ŠKOLE, REŠAD MERDIĆ



NJA IZJAKI OVOG NABEG DRUGOG IZDANJA OSNOVNA KORISTIMO SE PRILIKOM DA UČITIMO ZANJALNOST SVIMA KOJI SU
POMOGLI NIEGON IZLAZAK. ČUENIMO LJUDE KOJI IMAJU RAZUMIJEVANJE ZA NABEG I ŽELJI DA DIO RADOVA NABEGLIH I MAJIM
PAMETNIM GLAVICAMA NABEG UČENIKA, PRITOČIMO U JEDAN LIST KAO ŠTO JE OVAJ. OD SREĆA IM NABEGLA.

KOLEKTIV I UČENICI I OŠ BUKINJE



IZDAVAČKO
TRGOVINSKO
PREDUZEĆE



D.O.O.
TUZLA
Počanska do broja 1-a

Rasim Sokolović
manager



DD PEKARE TUZLA

75000 TUZLA, 75214 LUBAČE - Telefoni: Centrala: 252-181, Prodaja i namučenje: 253-890,
219-645, Knjižovništvo i fakturo, 282-041, Transport i održavanje: 281-365, Pismovništvo:
283-170, Telefaks: 280-598, 282-040, Parna pekara "Budućnost": 285-975, Parna pekara
"Ljubica": 219-645, Parna pekara Banovići: 875-950, Žiro račun KM: 12200-601-8154 (Pečari)
Žiro račun: 12200-601-2008954, 299 Tuzla